

Relato riba su di cinco aña di fayecimento..

Na memoria di difunto Ernesto Otilio Petronia

14 Dec. 1919 - 29 Dec. 1993



Riba dia 14 di December 1916 a nace un yiu baron for di e matrimonio di Fransisco y Agnes

Petronia, su mayornan a dune e nomber di Ernesto Otilio. Ernesto despues durante su bida riba e

mundo aki a haya e siguiente apodnan manera Netto, Om Netto, Don Ernesto, Shon Netto y hasta

Netto manera difunto Dr. Da Costa Gomez tabata yamele.

Desde un edad hopi hoben Netto a demostra un inteligencia notable. Den su tempo el a bay loke nan tabata yama school di por nada, esaki tabata St. Vicentius School o school di e famoso frater Ricardus. Pa no lubida laga nos menciona e hecho cu Ernesto a nace den Sero Preto meymey di Santa Helena y Wishi. Ernesto Petronia tabata un di e hopi nietonan " Ma-lja di Barber di banda di su tata y nieto di Shi Dorothea di Plantenrust pa banda di su mama. Netto tabata tin 7 ruman muher y 5 ruman homber. Por tabata tin 1 of 2 mas ruman ya cu registracion di hende no tabata asina bon e tempo ey.

Netto tabata un hoben cu hunto cu su rumannan mester a experiencia e tristeza di perde nan mama Agnes/Shi Polin na edad hoben di apenas 49 aña. Su dos rumannan muher mayor a encarga nan mes cu su formacion y crianza. Remarcable tabata cu Netto a caba e ultimo klas di St. Vicentius School cu apenas 12 aña. Como cu e

Sigui lesa Pag. 26



Coastal
Palm Beach




*"Nos Regalo
di
Fin di Aña"*

Cu cada compra di
Afl.15 de nos

MINIMARKET

bo ta haya un ticket
pa e gran Campaña

*"Nos Regalo di
Fin di Aña"*



- 1 Crucero
 - "Sea Wind Crown"
 - 2 TV 26"
 - 3 TV 19"
 - 4 Rice Cooker
 - 5 Toaster Oven
 - 6 Gas Bon Afl.100
 - 7 Gas Bon Afl.100
 - 8 Blender
 - 9 Walk Man
 - 10 Toaster
- Cumpra, Participa
y Gana... na
Coastal Palm Beach
cu nos Mini Market
Bon Surti y cu Bon
Servicio



Continuacion Pag. 25



tabata demasiado hobén frater Ricardus a tene na school pa e por madura un poco promer cu e bay busca trabao.

Algo masha remarcable tabata e hecho cu Netto semper den tur klas a sobresali den practicamente tur vak. Na edad di 13 aña el a worde emplea na Dienst Openbare Werken na Curaçao na unda el a cuminsa siña e profesion di arkitekto. Esta siña pinta plan/tekening pa construi varios tipo di edificio y cas. Netto atrobe a sa di desaroya su mes rapidamente. Bibando e tempo ey den e asina yama Kolonie Curaçao en onderhorigheden, ta gobernador tabata manda hunto cu hefe di departamento. Como tal gobernador a traslada Netto pa e isla di Aruba pa aki e bin traha como tekenaar of pintador di cas.

Como ehemplo di su arkitektura nos por menciona e casnan banda di cas di nos Gobernador. E traslado aki a tuma lugar ariba 31 di Mei 1933 ora cu Netto tabata tin apenas 16 aña y 5 luna di edad. Imaginabo awe na aña 1998 gobierno traslada un hobén di 16 aña y mei for di Curaçao pa e bay traha na Bonaire of St. Maarten. Esaki tabata otro hazaña di Netto di a riesga bay Aruba pa bay traha na edad di 16 aña.

Awendia nos lo a bisa e tabata tin hopi "guts". Netto su destino no tabata pa e keda traha na gobierno te cu edad di pensioen. Ta bon pa remarca aki cu Netto semper tabata hopi curioso pa haya mas conocimiento riba tur tereno.


Na edad di apenas 25 aña ya Netto tabata un "self made man"

hopi completo y a cuminsa marca su pasanan na Aruba. Na edad di mas of menos 23 aña Netto a abandona servicio di Gobierno pa cuminsa un carera nobo den sector priva, specialmente den e sector di construcion.

Netto Petronia na edad di 20 aña tabata tin e suerte pa contrae enlace matrimonial cu Sra. Brunicilda (Kida) Chacuto, por cierto un gran Señora. Sra. Kida Petronia a sa di duna Netto 9 yiu, esta 7 yiu homber y 2 yiu muher. Tanto Sra. Kida como e yunan ta na bida ainda. Promer cu sigui ta bon pa bisa cu si Netto a termina school cu 12-13 aña, bay traha cu 13 aña, bay Aruba cu traslado cu 16 aña. Casa cu 20 aña y sali for di servicio di gobierno cu 23 aña, bay traha den sector di construcion, ta obvio cu Netto realmente no tabata tin un hubentud normal manera otro hobennan.

Netto a sigui cu su autoformacion durante henter su bida y a demostra na hopi ocasion su conocimiento universal. Netto a sa hunto cu defunto Bonifacio (Boni) Croes tata di entre otro e actual ministro plenipotenciario mr. Mito Croes, di funda un di e companianan di construcion mas grandi, y conoci di Aruba esta Petronia & Croes. Petronia & Croes tin riba su nomber edificionan masha famoso na Aruba entre cual Aeropuerto di Aruba, Postkantoor, ex-Sheraton Hotel y hopi mas.

Netto Petronia tabata bibando den e decada di cambio grandinan structural y politica, no tabata nada straño cu el a worde acerca



pa e politico di mas grandi di Aruba y Antias Enrique Irausquin (Juancho) pa e compaño riba e lista nobo di e tempo ey esta Partido Patriotico Arubano (PPA) y indiscutiblemente un di partidonan politico di mas grandi y exitoso den historia politico di Antias mescos cu partidonan

Democrat di Curaçao y St. Maarten.

Netto a drenta politica activo na aña 1951 como candidato di grupo Curasoleñonan biba na Aruba. E grupo aki a sali for di Centro Beneficiencia Curasoleño di cual Netto tabata Presidente. Jack Jacobus, y defuntonan Tuyo Prins, Ciro

Pieters y Benny Cijntje tabata pilar nan grandi di e centro aki. Den e tempo ey tabata tin den politica (H.P.A.) gruponan surinameño, boneriano, islaribeño y hasta hulandes. Netto Petronia a keda repeti hazaña tras di hazaña ora el a keda eligi cu votonan pref-

Sigui lesa Pag. 27

Continuacion Pag. 26



erencial den eleccionnan di 1951, 1955, 1959, 1963, 1966, 1967 y 1969 tanto pa Staten como colegio insular di Aruba. Netto tabata un di e miho oradoman den historia politico di Antiyas cu capacidad pa ora facilmente den idioma papiamento ingles, hulandes y spaño.

Den aña 1955 Netto a bira diputado di obras publico y di enseñanza pa P.P.A. den gobierno insular di Aruba. Na e momento cu el a drenta politica Netto tabata tin 38 aña y ora e la bira diputado e tabata tin 38 aña. Netto a descarta su mes como un bon diputado y te awe hopi ta esnan cu ta considere: comó un di e miho diputado cu Aruba a conoce.

Pa esnan cu no sa ta bon informa cu Netto tabata un di e politiconan di mas serio y humano den henter nos historia politico. E politico aki hunto cu Don Juan Enrique Irausquin hunto cu e populista Claude Wathey di St. Maarten tabata e tres politiconan cu a ricibi pueblo di nan Isla na tur momento y na tur caminda.

Kizas difunto Betico Croes por worde considera e di cuater politico cu tambe a ricibi masha hopi hende mes. Netto tabata ricibi na cas y na oficina un promedio di trinta pa cuarenta hende pa dia. Netto tabata un politico cu tabata yuda votadonan y pueblo di tur forma posible y como diputado el a hasi hopi proyecto bira realidad na Aruba e.o. WEB, Hotelnan, Hospitaal, school liber etc.


Su capacidad pa traha 16 a 18 hora pa dia tabata algo normal y conoci pa tur esnan hopi cerca di

dje. E tabata un politico hopi respeta pa politiconan Antiyano y Hulandes. Netto su exito, capacidad y dinamismo a dune hopi amigo den Antiyas y na Aruba pero esnan cu no a gusta su exito a bira e enemigonan silencioso cu despues a proba esaki na aña 1970-71, cu e conocido traicion político.

Durante Netto su periodo como diputado el a haci masha hopi mes pa e hubentud arubano y enseñanza, dor di duna hopi beca di estudio. El a moderniza, cambia y haci enseñanza hopi efectivo. El a habri un mundo nobo pa e estudiante y awe nos tur ta mira e frutanan di e maneho hiba pa gobierno di Aruba cu Netto como diputado di enseñanza di añanan 1955 pa 1961.

Awe 44 aña despues Aruba ta yen di academico y experto cu a bay cu beca di estudio entre 1955 y 1962 y despues. Netto no a sinta keto como diputado di obras publico ya cu el a restructura henter Aruba su cafeteranan y a traha masha hopi carteranan nobo comunicando hopi bario di Aruba cu otro. El a percura pa masha hopi construccion di cas y barionan nobo durante e seis aña cu e tabata diputado di obras publico. Ta lastima cu e prestigioso partido P.P.A. a cai den un decadencia fatal, pa motibo di falta di liderato di nivel. Hopi ta spera cu pronto P.P.A. lo haya un lider di nivel halto.

Entre tanto Netto a worde propone pa Don Juancho Irausquin pa bira ministro na aña 1961. Netto su biramento di minister na aña



1961 tabata un sorpresa grandi pa hopi hende na Antiyas di seis. Netto su strea politico tabata briya, masha hopi Antiyano tabata sinti nan mes identifica cune y tabata simpatise hopi. Su amigonan y su enemigonan scondi tambe a sigui aumenta. Netto cometiend mas hazaña a logra ocupa tur ministerio di e diferente

cabinetnan di un forma efectivo y cu dinamismo.

Ora cu un parti di un pueblo di Curaçao frustra pa maneho di Shell y cierto politiconan Antiyano a subi caya ariba 30 di mei 1969 kimando Curaçao de loque por worde yama un rebelion di esnan cu trabao y esnan sin trabao a yega e momento pa un homber

manera Netto asumi e responsabilidad pa encabeza un Gobierno di crisis. Netto su biramento di Minister President e prome y unico politico di Aruba cu a logra e hazaña aki. E hazaña aki simplemente a lanta enemigonan politico special na Aruba y Curaçao for di soño.

Sigui lesaPag. 28

Continuacion Pag. 27

Netto a haci su maximo esfuerzo pa guia un gobierno fragmenta politicamente despues '30 di mei 1969. Formacion di e gobierno ey tabata esun di mas pisa y complica den historia politico di Antiyas y Aruba. Tur sorto di trampa a worde poni den caminda pa stroba Netto di forma un Gobierno.

E acuerdo di gobierno "Accoord van Kralendijk" a haci e gabinete Petronia posibel. Netto a purba goberna pero pa interesnan personal esaki no a resulta posibel y e gobierno aki a worde tumba tanto pa enemigo externo como esnan interno na December 1970.

Netto despues di caida di gobierno a bira ministro di husticia y vice premier na februari 1971 pa despues baha definitivamente como ministro na juni 1971 pa termina asina un briyante carera politico. Varios y te hasta hopi ta considera Netto un politico di taye Dr. Da Costa Gomez di Partido Nacional, un Fein Jonckheer di Partido Democrat, un Juancho Trausquin di P.P.A. y un Claude Wathey di St. Maarten.

Claude Wathey a bisa nos na aña 1971 cu pe te ainda e politico di mas humaho y consistente cu el a conoce tabata Netto Petronia e.o.

nos no mester lubida riba e Petronia-Uitkering. Cierito hendenan a puntra Juancho Irausquin na 1961 ora el a propone pa Netto Petronia bira minister -si Juancho no tin un otro candidato.

Juancho a contesta nan: "No, e ta e miho candidato cu mi por propone y cu ta duel nos cu ta perde como diputado na Aruba".

Netto semper a purba haci tur loke tabata bon pa pueblonan di e seis islanan di Antiyas. E no a spaar ni su salud ni su fortuna pa por a traha pa e pueblonan di seis islanan cu nan tabata yama Antiyas Neerlandes, pero manera hopi politico grandi e tambe a muri lubida pa hopi di esnan cu el a defende y promove cu amor y dedicacion. Asina ey Napoleon Bonaparte, Simon Bolivar, Claude Wathey, Dr. Da Costa Gomez y Fein Jonckheer a muri.

Ta pesey awe na occasion di cinco aña di su morto su familia y amigonan kier publica e testimonio aki pa esnan mas hoben na Aruba y Antiyas di cinco por a lesa algo tocante e ilustre Curazoleño aki cu tabata stima e seis islanan aki inmensamente. Netto, Om Netto, Papa sosega na paz.

